



10514

勅曰夫貞憲飭紀之臣不茹不吐而薦有令聞
則燕昵不私難做特切助之者素也乃加筆方
膺筭梁遽棄鸞章申卹亟被之已爾河南道監
察御史吳之皞妻已封孺人張氏稟規孝德儷
熒英賢晨櫛承歡曲順孀姑之志宵箴勵業允
資邁迹之功却縑帛以從官時親澣濯讓膏腴
而溥惠誼佐解推嘉偉績于桓聰悵遺徽于樂
杵是用贈爾爲孺人煒彤管以方新賁黃壚而
永耀

寧澹齋全集

制章

五十一

父母

勅曰夫闡修篤行之士不隨俗爲慕尚而子式
似之爰有特立之操克攄貞亮之節鶴鳴子和
理有固然疏榮禰廟凡以闡潛德勸移忠典至
渥也爾贈文林郎直隸廬州府六安州霍山縣
知縣吳子榮乃河南道監察御史之皞之父生
叶異徵性鍾夙慧履仁蹈義每希跡于前修下
雖窮經乃博綜乎邃古孝隆先意追曾輿養志
之風友篤讓腴踵姜被囚心之誼閭里資其表

正默解糾紛實席藉其章光力堅嘉遜惟爾
穀之彥爲予執憲之臣是用改贈爾爲文林郎
河南道監察御史躋顯秩于烏臺炳幽貞于馬
鬣

勅曰朕惟持斧之臣間關烏道蠶叢之境而不
忘陟屺停雲之思致足念也矧其和丸矢教却
鮮成廉而不及見衣繡乘驄之榮者追卹豈有
靳焉爾封太孺人王氏乃河南道監察御史吳
之皞之母女中曾史母德孟歐甘疏布以終身

寧澹齋全集

制草一

五五

樂非官餉理絲筐而積歲教切善勞捲澤乍捐
機杼之言如在臺猷方著茵鼎之慕彌深是用
載贈爾爲孺人渥澤表其露萱重命慰其風木
陝西道監察御史王命璿并妻勅命一道

勅曰朕惟中臺執法之臣入司論列出厲風猷
貞肅宮常激揚吏治非得正直端亮之士胡能
任斯職而祇厥官也豸繡之聲靈丕赫龍章之
寵錫特隆爾陝西道監察御史王命璿丰采特
立志節堅操苞邑蜚英栢臺司憲朝端正笏雅

據忠赤之謨關隘巡馳茂著澄清之略載持使
節代狩粵東埋輪戢當道之兇殘攬轡悉窮簷
之疾苦肅綱紀之程而察吏貪墨潛踪兼文武
之憲以甄材薪標式廓聲馳嶺表萑苻之桴鼓
不鳴威震島夷溟渤之鯨鯢盡偃庶副簡書之
託允高持斧之名茲以歲闋仍授爾階文林郎
錫之勅命頃以奴酋狂逞朝議紛綸方藉極言
無隱之士宏資廟算爾業已肅清嶺海安攘大
計籌之熟矣益儲廷辨之猷以需入直之召將

寧澹齋全集

制草

五十三

折衷衆論助勦國事于是乎在欽哉

勅曰臺臣銜命楓陛分察四方單車就道不遑
問其家室必有儷德之配爲之助已肆嘉忠直
之節宜崇靜好之風爾陝西道監察御史王命
璿妻已封孺人石氏圖史芳規珮環貞度孝弘
佐餽桃黃夙著于宜家敬協賓莊箴紉時厯于
在御旣資聞絃之績徹切瞻星載襄叩榻之猷
勞宣聽鑰是用仍封爾爲孺人翟帝並豸服以

升華燕譽荷鸞章而益恣

父母

勅曰人臣殫心民社盡瘁厥躬而未竟之猷駿
發于子稱顯世矣矧其抒讜朝端而敷歷皇路
者光大不旣多乎課績疏榮亦以懋世賞也爾
原任廣東廣州府新寧縣知縣王尚賢乃陝西
道監察御史命璿之父孝友名儒循良上宰篤
志聖賢之學動有矩模栖心立達之途才優經
濟名成歌鹿文章擅八閩之精英治最鳴琴興
革垂兩城之永賴脩軀民事粵東之俎豆方新

寧澹齋全集

制草

五十四

式穀庭賢柱下之風裁丕著壘秩未增于息邑
絲綸宜渙于烏臺是用贈爾爲文林郎陝西道
監察御史昭貽謀于弓冶釋未慕于松楸

勅曰夫家有象賢之子國爲効蓋之臣此其所
以成之者豈無自哉則毋德之賢可知也身享
壽祺以膺申錫詎惟國典天實厚之已爾封孺
人賴氏乃陝西道監察御史王命璿之母秉規
尹吉儷媿孟歐曳縞從官佐清風于化瑟操機
課子宏纘緒于鳴騶花封之褒錫旣崇廉旌却

鮮栢府之疏榮再渥老尚持筐是用封爾爲太孺人象服表其山河鸞綸助其斑綵

吏部考功清吏司署郎中事主事倫肇修并妻勅命一道

勅曰朕勤思上理綜核名實嘉與天官之屬獎拔賢能澄汰流品非得清通簡要之士未易任也勞績旣彰褒崇宜渥爾吏部考功清吏司署郎中事主事倫肇修端純卓品朗邃真才擢對楓宸作人槐市旣升華子胄監隨展采于職方

寧澹齋全集

制革

五十五

爰自廷聞晉司銓署而爾公若權衡法如水鏡任叅六典周踐庶曹判折惟精郎吏絕巧藏之寶品題悉當賢愚無共貫之嗟仕路之蕪穢聿清善類之連茹有慶茲授爾階承德郎錫之勅命晉臣山濤有言吏部郎不但當正已尚當正人夫已不正而求人之正何異樹曲木而求影之直也而業已心平體正不傾不撓卽由此整風俗理人倫不難已益勵芳猷以需峻陟欽哉勅曰銓曹最稱繁劇而壹意奉公無虞內顧則

相助之賢可知也從貴有章宜亟被之已爾
部考功清吏司署郎中事主事倫肇修妻在氏
清心玉映惠質蘭芬潔明水以爲歡婦儀夙著
曳縞衣而從仕內德惟虔解佩贈知式助掄材
之譽脫粟不厭允資激濁之猷是用封爾爲安
人初承象服之華益勵燕私之儆

父母

勅曰夫福國莫如樹人裕家必先樹德然惟樹
德于家者深而後樹人于國者遠此嘉人倫之

寧澹齋全集

制草

五十六

鑿者必崇式穀之功也爾倫大禮乃吏部考功
清吏司署郎中事主事肇修之父秉性慈和宅
衷愷悌抱奇不售篤孝有聞慕切重闈卜兆感
形家之協吉義高百忍震鄰回暴客之輸誠絃
詠怡情日涉不踰陶徑愛勞示訓家承懋著韋
經睠惟銓署之清風實藉椿庭之懿軌是用封
爾爲承德郎吏部考功清吏司署郎中事主事
荷寵命之自天龍章初賞今崇禧于酌斗鶴筭

彌增

勅曰昔韓康伯爲吏部首舉吳隱之其母實貧
焉然則母德之善不獨和尢畫荻爲兢兢也乃
子方最績而祿養蚤違不有憫綸曷紓罔極爾
梁氏乃吏部考功清吏司署郎中事主事倫肇
修之母珩璜比德沼沚揚芬輕財佐良士之姪
而能勞雅絕華溫之奉歿而遺訓惟厯圖報之
思爾子忠以孝成人惟正舉皆慈母之教也是
用贈爾爲安人表聖善于絲綸釋永思于樛捲

寧澹齋全集

制草一

五七

戶部陝西清吏司督理延夏糧儲署郎中
事主事陳應春并妻勅命一道

勅曰計曹筦天下財賦而督理邊饜尤稱重任
惟是上郡朔方之間政胡虜窺伺之地苟儲蓄
不備何以佐軍興而固鎖鑰也爾戶部陝西清
吏司督理延夏糧儲署郎中事主事陳應春才
識茂明操持廉恪蜚英廷對列秩民曹乃奉璽
書往司邊餉而能潔貞自矢盈縮周知密杜侵
牟勤精攘剔酌民力百年之供億燭照無遺

重兵萬竈之雲屯絲麥必理戾癸絕乎
紅朽下給于三軍覽爾程書朕心嘉悅是用晉
爾階承德郎錫之勅命方今建夷猖獗諸虜伺
釁朕特詔所在嚴加備禦爾鎮固全陝藩籬西
鄙要害何以使師有宿飽伍無脫巾益慎圖之
以觀成効以需大受欽哉

勅曰士供事盈昌之會可無傲爛以趣問輝而
况邊儲拮据夙夜匪遑非得裨助以佐庶清曷
資底績爾戶部陝西清吏司督理延夏糧儲署
寧澹齋全集入制草一
五十一
郎中事主事陳應春妻黃氏女貞茂稟婦順恪
遵篝燈克贊乎燃藜楓宸擢儁秉鑰允資乎握
筭泉府流聲雄邊之嘉勩方聞靜御之徽音不
著是用封爾爲安人尚益忘乎宵箴永增光乎

粉署

父母

勅曰夫個儻非常之士出其經濟之緒遐迹長
筭之餘非其好也而有子振樹光而大之則勤
施之報式穀之功具見之矣此疏榮所必逮也

爾陳獻淑乃戶部陝西清吏司督理延夏糧儲
署郎中事主事應春之父潛心儒術養晦計然
趺跼尋親娛羈情于粵島間關扶母脫屯難于
攢鋒閉戶却暮夜之狂奔乘桴返哀原之旅櫬
積而能散市義每篤于賑周愛而知勞贏書特
嚴于佑啓惟爾允宗之彥爲予司計之臣是用
贈爾爲承德郎戶部陝西清吏司署郎中事主
事荷龍章之赫奕賁馬鬣以崢嶸

制曰臣子欲報母劬三釜亦樂乃負米之志徒

寧澹齋全集

制草

五九

殷捧檄之私莫遂分暉罔借匪棘增悲致是閔
已朝廷必體其情而追卹焉爾黃氏乃戶部陝
西清吏司督理延夏糧儲署郎中事主事陳應
春之母慧性知書素心栖澹茹荼集蓼忍百苦
以禦鞠凶偵意調甘竭干辛而終孝養鮮佩佐
賢豪之契敬篤賓莊劑膏庀估俾之功業宏胤
哲機杼之言在耳版輿之御乍捐是用贈爾爲
安人賁玄扃而若耀焯彤管以流芳

戶部貴州清吏司督理寧武糧儲署員外

郎事主事蔣士忠并妻勅命一道

勅曰朕惟會府內虛邊儲外詘殫心佐國惟諸
望郎是賴計非幹時通材胡由轄重地而副明
命爾戶部貴州清吏司督理寧武糧儲署員外
郎事主事蔣士忠乃原任南京光祿寺卿遵箴
之子抽英艱架擢對楓廷孝慰正首之靈友篤
因心之讓簡司民部總理軍需酌中外之盈虛
棼絲必析劑兵民之利病投月有餘培植九農
山粟高長榆之塞權衡三尺泉幣充細柳之營
寧澹齋全集 制草一

六

茹磔操清含香績奏是用授爾階承德郎錫之
勅命茲旣允爾陳情復父原職恩至渥已爾宜
何如圖報者矧今奴酋狂逞所在繹騷沿邊諸
虜得無蠢動綢繆恣飭尤宜加慎爾閱歷有年
何以實戊巳之屯何以備庚癸之呼籌之熟矣
尚念兩世隆恩一心勤職朕且有後命

勅曰計臣一意奉公不啻若家事然則壺以內
必有秉筮籥以佐勳勤者此課績疏榮所弗靳
也爾戶部貴州清吏司署員外郎事主事蔣士

忠妻張氏毓質名宗作述哲士庭闈矣孝曲承
菽水之歡閨闈修和更協棣華之順恤孤恩存
襁褓好施義急死喪解琚珮以贖儒修三餘警
業服縞綦而勗官政五緘微廉勲著持籌助先
脫珥是用封爾爲安人初承飾翟之榮益勵鳴
環之節

戶部四川清吏司主事宋繼登并妻勅命
一道

勅曰朕惟地官之屬分握度廩節制軍儲所以
寧澹齋全集

入制草

李

酌盈濟虛爲上下兩利之策非清廉諳練之士
胡由祇厥敘而副明命爾戶部四川清吏司主
事宋繼登器識沉疑丰標峻潔循良民牧文武
師資惟邦教之克勝宜國賦之攸寄而爾風猷
濟美清白承傳推利弊之源洞如燭照酌盈縮
之數較若持平權利則漁蠹盡消釐奸而雀鼠
無耗三載上績朕用汝嘉特授爾階承德郎錫
之勅命方今災沴屢聞公私告誦邊圉士馬仰
給司農未知善術所自出也爾旣閱歷有年其

於百姓之急縣官之費籌之熟矣益茂乃猷以
勛國計朕不忘顯陟汝

勅曰人臣鳴鶴登朝含鷄侍省闕以內不遑問
也令得壹意參計而以能稱誰則襄之夫旣郎
德是褒而可遺士行乎爾戶部四川清吏司主
事宋繼登妻左氏孝廉懿淑世胄清聞敬共以
事二人和順以諧一室湘釜著有齋之譽荆布
昭克儉之賢爾夫弱冠成名旣藉三餘之做握
籌司餉益襄五緘之廉內德彰矣是用封爾爲
寧澹齋全集
制草
十一
安人初承珈翟之華彌謹於璧之節

父母

制曰朕惟宣力之臣治平有效傳經之父詒謀
有成是曰慈曰孝之並嘉宜以忠以禮之克稱
爾原任兩淮都轉運鹽使司副使宋兆祥乃戶
部四川清吏司主事繼登之父學術淵純才猷
練達名先歌鹿治最菱棠處處絃歌成愛人易
使之化家家社稷在關河淮海之間白璧競獻

藍田班聯玉節青雲遞升函席誨擬金鎔光

咸欽林泉養晦茲以爾子計績滿考封爾階奉
直大夫原銜如舊被龍綸于有赫引鶴筭以無
疆

制曰婦德無儀視厥夫若子夫能卓有治狀子
能最上考堂內則嗣音外則章教固宜對揚休
命已爾原任兩淮都轉運鹽使司副使宋兆祥
妻王氏乃戶部四川清吏司主事繼登之母孺
碩芳規世家令範奉舅姑而孝洽逮臧獲而惠
周克相爾夫茂嘉猷于吏治爰啓爾後攄石畫
寧澹齋全集 制草 六三
于民曹婦道母儀允兼之矣茲以爾子歲閱從
爾夫爵封爲宜人副珈昭象服是宜祝筭藉寫
章增衍

兵部職方清吏司主事莫在聲并妻勅命
勅曰朕惟計曹司軍國之需戎部先職方之務
事雖分局功實兼資况當國家多事之秋允藉
僚屬靖共之助成勞旣著寵秩宜隆爾兵部職
方清吏司主事莫在聲藹藹謙冲之度兢兢惕
勵之衷擢對彤廷服官粉署持籌司會已抒經

濟之猷參畫制軍式裕封疆之計廉幹允資乎
圻父清操丕著于望郎茲特授爾階承德郎錫
之勅命方今奴酋狂逞羽檄交馳捷伐雖興國
靈未鬯沿邊諸虜得無觀釁而蠢動乎何以綢
繆于未雨何以式固乎爾猷尚畢志盡忠以圖
勝筭以需後命欽哉

制曰人臣分憂王事阜財詰戎靡敢卽安則壺
以內必有規星戒且無忘交警者此課績疏思
嘉相成也爾兵部職方清吏司主事莫在聲妻

寧澹齋全集

制草一

李四

劉氏無儀爲度有齋秉心視饋克當乎親歡解
佩式成乎夫志迨曳縞而從宦清佐含香時茹
藥以匡廉音傳御瑟是用封爾爲安人益忠閨
彝祗承廷綽

父母

勅曰士負經世濟人之具已試一班而以未竟
之志付之式穀之英天道若張弓不足者補之
矣身享壽祺以膺寵命致足榮也爾原任江西

贛州府寧都縣知縣莫應奎乃兵部職方清吏

司主事莫在聲之父孝廉眞品政學兼才振鐸芹官式擴菁莪之化鳴琴巖邑兩騰棠芾之歌垂橐來歸披素風于陶徑詒謀佑啓宏大業于韋經郎署操清尚謹廉勤之訓公庭屏跡雅孚評旦之名是用封爾爲承德郎兵部職方清吏司主事需寵渥于龍章介純禧于鶴筭

勅曰朕聞孝弟之至通乎神明士以孝聞猶食其報况爲婦而殉孝乎厚償于子而融顯因之國典奉天朕奚靳焉爾李氏乃兵部職方清吏寧澹齋全集 制草一 六十五

司主事莫在聲之母女德夙嫻婦儀不忒茹茶餐雪躬親桓汲之勞斷織泣衣力佐董帷之業方勸忠以襄宦隨爲孝而殞身卽胤子之發祥徵天道之與善是謂不朽豈口無年茲用贈爾爲安人輝芝檢以疏榮陟松原而釋慕

南京兵部武庫清吏司署郎中事主事都任并妻勅命一道

勅曰朕惟國家承平日久武備寢弛而留都邾鄆之地不虞之戒尤嚴故嘉與司兵之臣克諱

而振刷之蓋其重也爾南京兵部武庫清吏司
署郎中事主事都任學有淵源才兼經緯大廷
高第陪部分曹筮自武銓再司戎藏而爾志潔
操清識周思遠憂國切外寧之慮運籌先未雨
之防干掇與禮樂俱修簡練隨整頓並肅介冑
凜秋霜之色蛇豕寒心羽林騰夜月之輝橈槍
匿曜壯猷允資圻甸濯靈遐邕國威茲晉爾署
職方矣仍以歲闋授爾階承德郎錫之勅命夫
當世干城之才非乏也患在居恒鳴劍抵掌而
縮胸乎臨事所由簡核未精爾爾以除戎器者
辨將材國家將顯賴其折衝之用欽哉

寧澹齋全集

制草

六六

勅曰戎事貴嚴密非可謀之內闔而婦能夙夜
匪懈以佐官才則敬事實賴之可無贊冊以昭
克相爾南京兵部武庫清吏司署郎中事主事
都任妻李氏女誠夙閑壺儀允迪佐讀而篝燈
有耿供饋而飭簋惟嚴服綦褻儉于素絲傲爛
彌勤于視弋含香績著靜瑟聲聞是用封爾爲

安人初服六珈益隆四德

勅曰士有接武青雲勤勞王事而位未究施奄
焉賫志乃以宏峻之業俟之後人天道報忠良
不爽爾國有封典可弗逮與爾原任直隸鎮江
府知府進階中憲大夫都文奎之子原任山西
大同府通判維新乃南京兵部武庫清吏司署
郎中事主事任之父文學承家賢科奮跡體仁
讓而興國弘豈弟以作人畿內鳴琴百里賴平
成之利雲中展驥一方騰保障之聲而溘爾先
寧澹齋全集

制草

卷七

霜荅茲後胤嘉司兵之偉績迺保駕之遺風是
用贈爾爲承德郎南京兵部武庫清吏司主事
馬胤增榮龍章示寵

勅曰人子痛念母劬列鼎則悲矧當襁褓之內
遽離乳哺之恩其終身啣邱莫之解也庶愍章
可以慰之爾贈孺人翁氏乃南京兵部武庫清
吏司署郎中事主事都任之母性天貞靜心地
慈和雍肅

著于蘋蘩織經勤于夙夜方藉算

篁之佐蚤摧蘭蕙之姿藐爾遺孤嗟靡依于呱

泣幸焉振樹痛失養于釜鍾是用贈爾爲安人服此芝函光于萱室

刑部廣西清吏司員外郎關驥并妻誥命制曰朕慮庶獄不慎致于天和特選司寇之屬俾職祥刑而又歲時分遣郡國務宣弘貸其有副茲德意者亟奉天道褒異之已爾原任刑部廣西清吏司員外郎關驥才閎識亮守潔操清擢穎大廷烹鮮巖邑爰從郡佐晉陟刑曹而爾志凜氷兢夙勤日戒慮一成而不變敬聽無私

寧澹齋全集

制草

卷六

本三省以存心哀矜勿喜迫論囚于吳會益致謹于爰書悉愛殫聰覆盆之寃畢徹蘇疑釋滯解網之惠特宏覽爾程書朕心嘉悅茲旣由本部郎中擢知寧國府矣仍以舊閱授爾階奉直大夫錫之誥命宣州爲南輔要地志稱民囂豪俗浮詭要在以德化之爾以廉乎明允特簡斯任况密邇北譙有菱棠之遺澤在焉益樹風猷俾民祗德庶幾光朕之訓辭欽哉

曰夫淑問之士嘉惠鰥寡猶將之死致生

之而內念結縵之婦音容已杳不有重綸曷
隱惻爾原任刑部廣西清吏司員外郎關驥妻
已贈孺人何氏夙承姆訓穆踐閨彞佩璫而事
尊章湘釜而相秩祀靜琴在御允追梁案之風
韶蕙久捐恍挹樂機之範嘉型成于鳩罍追芳
懿于鸞闈是用加贈爾爲宜人再申從爵之章
永作幽扃之耀

父母

制曰朕讀易至天之所助者順而知龐德之食

寧澹齋全集

制草

三九

報遠也矧其子克遵慈父之訓以弼予明刑而
天休滋至豈有艾焉爾贈文林郎直隸滁州全
椒縣知縣關于參迺原任刑部廣西清吏司員
外郎驥之父天予善良性鍾長厚孝隆顧養每
伺色以調甘友篤因心乃讓肥而處瘠懷忠體
信本分之外無營市義勤施橫逆之來罔校關
情田而種德恬性地以留餘蔚起英謨丕振弓
裘之緒式承懿訓允垂嘉肺之恩是用加贈爾
爲奉直大夫刑部廣西清吏司員外郎申明命

於楓廷貢潛光于楸隴

制曰夫母之愛子謹訶勿加箠楚則痛爲子者而推此心以無亂不辜也國必體其情而加卹焉爾贈孺人吳氏乃原任刑部廣西清吏司員外郎關驥之母明章婦順聖善母儀恒汲風高佐幽貞于隱鹿孟機教著啓懿質于振麟鷓鳩之績方隆烏鳥之情特切呬召恍聞于泣杖咀勤尚憶乎丸熊是用加贈爾爲宜人需渥澤于露蕭釋孝思于風水

寧澹齋全集

制草

七

刑部四川清吏司主事孫延長并妻勅命

勅曰朕軫念庶獄慎選刑官惟是宣猷民莫而不茹不吐無擾獄吏者是求是迪有能益勵廉平稱茲德意壘書增秩用旌新勩亦表成勞爾刑部四川清吏司主事孫延長丰標峻朗器識宏深始自廷掄歷司邑宰而爾慮先民隱寧拙催科力拯時艱不求矜炫爰叅法比彌矢公平秉禮求情時著質孚之惠悉聰致愛雅聞明允之稱惟是愷悌存心哀矜勿喜猶然行父母之

道也是用授爾階承德郎錫之勅命夫爾以不阿上官壹意執法用能富威並訖貨反無虞勿畏勿休雖由此奉予一人非難也持爾志堅爾守日弘敬忌以永終譽咸中之慶實有嘉賴朕不忘顯陟汝

勅曰夫西曹之秩獨冷而北門之譴易生自非賢淑之婦素甘食貧不留燕昵者曷由効同心義成績也爾刑部四川清吏司主事孫延長妻李氏慧通圖史動協矩彛孝敬不違管筐而尸

寧澹齋全集

制草

七

饋祀儉勤勿替絲枲以繼膏修脫粟資垂橐之清操不貪是寶執燭佐持丹之惻隱申戒日勤是用封爾爲安人初膺翟茀之華益勵燕私之儆

父母

勅曰夫闇修之士不求聞達而子克樹立性作天牧明明棊常家庭漸染厥有素已褒績踈榮可或後歟爾孫開先乃刑部四川清吏司主事延長之父學探淵源行敦秩敘抱奇弗售安分

無求拯難濟窮時篤解推之誼堙光剗彩雅追
廉立之風姓字不落于人間知希自貴詩禮克
昌于胤詰式穀惟嚴睠茲折獄之廉平允藉傳
家之清白是用贈爾爲承德郎刑部四川清吏
司主事闡潛德以重光慰幽泉而永耀

勅曰慈母鞠子劬勞而柘捲蚤棄茵鼎永違致
足閔已朝廷體臣而慰其必至之情非愍章何
以教孝爾楊氏乃刑部四川清吏司主事孫延
長之母秉德珩璜揚芬沼沚焚膏繼晷力襄良
寧澹齋全集八制草
士之媵修脫珥斤簪時濟凡民之緩急鍾祥筦
簞每就濕而弗辭教豫嬰孩卽處嬉而無誑爾
子幼而失恃恨切終天長而服官痛深陟岷是
用贈爾爲安人貢明命于泉丘紓永思于風木
刑部四川清吏司主事鄭陞并妻勅命

勅曰朕惟士師治獄與邑令勤民一以真誠仁
愛爲本有能以良牧之成勞克奏祥刑之嘉績
者亟崇異之已爾刑部四川清吏司主事鄭陞
峻節宏猷雄文雅操始以制科之選出膺民社

之司殫力拮据閩澤涵濡四邑澡身水蘖清風
較若一朝爰晉刑曹用酬威勩而爾五辭敬聽
三慮存心貨反無聞猶是銘泉之節哀矜勿喜
依然保赤之懷褒綸尚鬱于鳧封賜璽宜申于
鳩署是用授爾階承德郎錫之勅命聞爾昔在
晉南勞怨不避茹吐兩捐蓋勿休勿畏固素所
砥礪也持此之志慎厥終始豈惟嘉師是爲其
于敬天休命以弼予一人惟爾庸爾亦有無疆
之辭欽哉

寧澹齋全集

制草

七三

勅曰士人苦節服官惟明克允而內無交謫之
語時聞對泣之風其助深矣國是以有並貴之
典爾刑部四川清吏司主事鄭陞妻莊氏夙嫻
姆訓穆踐閭彞滌隨不懈于承尊筐筥彌虔于
襄祀茹蔬並勵旣襄製錦之猷執燭相莊允佐
畫冠之績儼鷄方切飾翟宜膺是用封爾爲安
人初被寵于六珈益虔修乎四德

父母

勅曰朕閱史至鄭康成學行儀世里標通德每

慨然慕之爲吾法吏而有若父其秉禮求情緣
經飾律有自來矣此追崇所必及也爾鄭洙乃
刑部四川清吏司主事陞之父博洽有聞坦夷
自性孝隆紹志不忘嘗贍之思友篤孔懷特急
在原之誼筆耕舌耨詒謀夙裕于趨庭市義勤
施令譽允孚于許旦爾子花封初蒞而弓冶乍
捐憲署程功而構堂如在使用贈爾爲承德郎
刑部四川清吏司主事式表鄭公之鄉永篤于
門之慶

寧澹齋全集

制草一

七十四

勅曰人子痛念母劬用能體其慈訓以子惠黎
元惟良折獄其功足嘉其志足閔已微

卹胡以典

慰之爾蔡氏乃刑部四川清吏司主事鄭陞之
母秉德孝恭治家勤儉代終子舍合褫禴含殮
以必親洽比嫻隣竭簪珥泉絲而勿替偕隱允
追乎桓及義方式佐于柳丸烹鮮之理初新却
鮮之音遽杳雲司奏最慘澤增悲是用贈爾爲
安人卨茵弗逮乎生前綸綍特隆于歿後

工部營膳清吏司主事李篤培并妻勅命

勅曰國家特重興作而冬官繕部寔董其事所
繇庀材辨器節用勸功以佐宏父之政至繁劇
也微潔已奉公小心慎密之士胡能勝是任而
賦明命爾工部營膳清吏司主事李篤培器識
端純丰猷整暇擢大廷而司槐市譽髦風清歷
胄監而擴新標弘文化洽爰遷工署特典起曹
而爾守勵槩水才優柱礎經營匪懈公府之廢
墜畢修劑量有方帑藏之節縮無筭工不煩而
事集民勿亟而子來恢恢游刃之餘穆穆素絲
之節茲以歲闋授爾階承德郎錫之勅命朕念
國用告訕數詔有司停不急之務而修營備制
莫或廢也惟是制節謹度屢省乃成以若予工
爾業已底績矣益樹遠猷慎終如始其于肩鴻
任鉅猶治一室也朕不忘顯陟汝

勅曰禮重始配詩咏偕老豈非室家至願哉若
乃靜瑟方聞素絲遂斷此人情所最隱也當酬
庸之日追卹可獨後歟爾工部營膳司主事李
篤培妻王氏稟訓師儒作述詰彥柔嘉維則孝

敬不違篝燈力佐乎下帷機杼遠捐于中道繫
雉工之最績憶鷄做之遺音茲特贈爾爲安人
薄紓縈結之悲永作斧封之賁

父母

勅曰朕惟好修之士不求聞達而濬發于子固
其佑啓者宏也然且執德彌堅以身立教蔚起
清卿爲時楨幹褒崇尤亟已爾生員李驥驤乃
工部營膳清吏司主事篤培之父琳瑯粹品奎
璧名儒學契典墳稟家承而直窮其奧性甘恬
寧澹齋全集 制草 一
澹處介弟而不易其貞下健栖真足跡不踰里
閨趨庭課業造次必納準繩旣成厥嗣之令名
益厲逸民之高蹈問竒者慰虛往實歸之願式
廬者興人遐室邇之思立懦風清訓廉績著是
用封爾爲承德郎工部營膳清吏司主事被龍
綸于有赫引鶴筭以無疆

勅曰人臣懷顯揚之心值俱存之樂而封章與
祝學並臻慈訓隨義方皆著豈非得全全昌天
之所助者順與爾丁氏乃工部營膳清吏司主

事李篤培之母宦節芳規女師令範室無嗔笑
庭有肅雍相夫聞桓汲之風迪子著柳丸之教
用開冢噐宣績望垣晚習華溫尚凜齊眉之敬
做思勞善不忘手續之勤是用封爾爲安人鴻
恩初賚于九重燕喜同諧于百歲

工部營繕清吏司主事丘志充并妻勅命
勅曰朕慎選冬官之屬以贊宏父之政將庀材
程藝于是乎在節浮汰冗于是乎藉非廉慎精
敏之士何由調劑得宜而副明命爾工部營繕

寧澹齋全集

制草

七七

清吏司主事丘志充于將利器水玉貞操學稟
家承才優世濟爰掄螭陸筮職雖工而爾夙夜
維寅恣勞罔避剔蠶宿蠹雖貴近而不阿綜核
群材卽纖微而必飭鼎建之經營伊賴節帑之
物力有餘覽爾程書朕心嘉悅茲授爾階承德
郎錫之勅命日者歲比不登經費告訕大工之
興朕自用慎誠能節縮多方使財不濫而功自
集朕且楨幹倚而柱礎恃也懋哉慎厥終如始

時維爾庸

勅曰起部端締造之司勞瘁特甚靜室有敬共
之助休聞聿彰蓋徧適不聞徹爛時切其所資
于共工匪尠也爾工部營繕清吏司主事丘志
充妻李氏仁慧性成幽閑德備績勤履孝修棗
舖以惟虔攻苦襄廉服縞綦而罔斃爾夫勞宣
省闈爰由視夜之功節勵工箴式表鳴環之度
是用封爾爲安人初服寵于國章益揚芬于女
史

父母

寧澹齋全集

制草

七

勅曰士有抱康濟之猷程功民社而懷高尚之
志晦跡林泉其惠澤清風並足儀世矧子能似
毅益振家聲課績疏恩尤亟被之已爾原任直
隸河間府阜城縣知縣丘雲嶧乃工部營繕清
吏司主事志充之父孝友爲政清白承家鸚擊
九秋百里著中牟之績鳳翔千仞一朝賦彭澤
之辭樂永矢于琴書式廬望重教特宏于詩禮
起署名高椿庭之引翼方新楓陛之絲綸宜渙
茲封爾爲承德郎工部營繕清吏司主事表臯

趨之舊勳綏鶴筭于方來

勅曰婦德如珠玉在淵無可表見惟相夫成廉
吏之名迪子振望郎之譽而並綏眉壽用迓天
休致足榮已爾王氏乃工部管繕清吏司主事
丘志充之母桃蕢毓德菝畫秉規攻苦以贊帷
修茹蔬而襄錦績槃阿歸隱雅聞舉案之風機
杼時操蔚起紹庭之彥功程粉署慶洽萱庭是
用封爾爲安人象服與鳩筇並行瑤卮藉芝檢
增歡

寧澹齋全集

制草

七

工部都水清吏司主事黃元會并妻勅命

勅曰朕念水衡告訥慎乃儉德屢詔所司停不
急之務而庀材飭用莫或廢也非廉慎精練之
士疇若予工賦茲明命爾工部都水清吏司主
事黃元會雅度醇衷清操邃識掄英楓陛宣職
水曹而爾守勵飲冰處賦一塵不染才如游刃
程功百度維貞能于備物前用之中不失制節
謹度之意經理密而器無窳濫綜理精故帑有
餘貲可謂祗厥叙已是用授爾階承德郎錫之

勅命方今河決不常運道爲梗淮徐以北清濟以南夏鎮固一大咽喉也巨浸稽天不虞時有朕甚慮焉業已晉爾副郎往視事矣因勢制宜若何而可尚矢乃心殫乃力以圖永賴朕不忘峻陟汝

勅曰水部有握蘭之士中閨有採藻之媛兩者實交成焉蓋儆勵勤食貧砥節其茂德致足嘉也爾工部都水清吏司主事黃元會妻徐氏稟訓儒宗作述俊又慧通圖史曾無出闕之言

寧澹齋全集

制草

八

敬協賓莊力贊下帷之業竭婦職以代子職孝著儻班服女工以佐共工儉聞曳縞清曹奏績靜御傳聲茲封爾爲安人初被鸞章益勤燕儆

父母

勅曰朕聞君子能勞後必有繼故雖布衣蔬蹄之士弗克顯融而有喆嗣振其家聲此課績疏榮所必逮也爾黃履賢乃工部都水清吏司主事元會之父天子真醇行敦孝友平情外侮居然不校之風雅意賑窮賦矣勤施之誼積書史

以遺後嗣罔美籙金樂槃軸以終天年留餘性
地爾子幼而失怙猶聞屬纊之言長而服官彌
切循垓之慕是用贈爾爲承德郎工部都水清
吏司主事歆服廷綸增光廟祐

勅曰因子貴母必先正嫡凡以明齊體之尊酬
逮下之惠而釋抱噐之痛教孝正以勸忠也爾
姜氏乃工部都水清吏司主事黃元會之嫡母
溫恭自性勤儉克家偕隱鹿門敬不弛于盭野
垂仁樛木瑞乃叶于徵蘭藻泮浮香熊荻之功
寧澹齋全集 制革 八十一

已著雉工最績栢捲之慕彌深是用贈爾爲安
人芳流彤管光耀玄扃

都察院司務廳司務陸希堯勅命

勅曰朕惟辟臺綱紀之地庶務蝟集綜核不勤
則有滯牘檢括不密則有舞文此叅幕之職特
重南司任綦鉅也爾都察院司務廳司務陸希
堯學紹家傳材爲國器賢科脫穎膠序橫經爰
敷藻于辭林遂升華于憲幙砥操一塵不染飭
紀百度維貞殿最多官精明佐大僚之察勾稽

對籍廉勤剔胥吏之奸父稱豸服之良宜需龍
章之寵是用授爾階登仕郎錫之勅命夫國有
喬木上下賴之邈爾曾祖若爾父烏臺執法蟬
冠競爽爾業已世其家矣祇率先猷勉圖後效
將移忠作孝悉于斯在嗣有顯陟酌爾之庸欽
哉

大理寺左寺署左寺副事左評事先憲祖
并妻勅命一道

勅曰廷尉天下平也而職廷評者實佐之惟是

寧澹齋全集

制事

八十一

勿畏勿休得與爾長叅疑議正科條非蕪平不
阿勿與任矣爾大理寺左寺署左寺副事左評
事先憲祖英資峻潔德器溫純擢對楓廷持平
棘寺而能本承家之孝以服官體好生之仁以
察麗慮一成而不變每三省以爲心簡稽適輕
重之宜秋茶解密疑讞得哀矜之意夏日霽嚴
睠惟嘉肺之含恩實藉平亭于淑問茲以歲閱
授爾階文林郎錫之勅命夫祖宗朝有爲南大

理而廷中稱平者非爾之先耶則惟正直獨

遠跡逆豎其素所植立也爾業以廉平著矣尚
益存敬忌周戒不勤寧惟朕嘉師是爲夫何比
干之後而有敝也陳咸之後而有寵也是在爾
矣

勅曰女有士行以相夫子成而勿克身親見之
卽翟瑜未膺音徽如在可無卹典以慰幽原爾
大理寺左寺署左寺副事左評事先憲祖妻鄧
氏鍾淑勲宗作述儒詰孝敬謹抑搔之節儉勤
極操作之勞靜瑟方聞芳蘭乍萎爾夫思曳縞
之佐而守愈廉懷執燭之人而情益恕爾實式
靈之矣茲贈爾爲孺人彤管增輝黃壚永耀

父母

勅曰昔漢郭躬起家佐史斷獄必察史臣猶稱
其父弘實啓之矧以制科弼詳刑之治者可忘
所自爾先龍乃大理寺左寺署左寺副事左評
事憲祖之父天植善良性敦醇樸寄跡于文無
害多聞爲行秘書執直不容蟬蛻蠅蝸之未棲
真無累徜徉丘壑之濱孝友爲政于家力供菽

水文史不離于側手輯縹緗蓋爾殞身示誠信而永訣幸焉有子擴仁恕于平反是用贈爾爲文林郎大理寺左寺署左寺副事左評事從鳩影于家卿膺魚書于國器

勅曰母之勗子學與仕具以優望也斷機坐閣之念不二存亡奚忍以卽世而負慈訓乎爾勞氏乃大理寺左寺署左寺副事左評事先憲祖之母名門淑女高士令妻茹荼而竭滌髓之儀處匱而殫睦嫻之誼拮据罔間于朝夕課讀彌篤乎愛勞迨棘署之告成慨萱庭之久謝茲贈爾爲孺人用紓執器之悲被服明綸之寵

大理寺左寺署右寺副事左評事于之大并妻勅命一道

勅曰朕慮庶獄不慎致于天和屢詔所司平亭疑法以弘好生之德繫爾廷評實茲嘉賴祥刑旣著寵秩宜加爾大理寺左寺署右寺副事左評事于之大峻潔清標冲虛雅度楓廷擢對棘署司平而爾守勵四知心存三宥悉聰致愛小

大各以其情察麗求中上下必惟其允倫要式
資乎大吏欽恤克當乎朕心茲以歲闋授爾階
文林郎錫之勅命昔甫刑有言尚敬逆天命以
奉我一人雖畏勿畏雖休勿休夫廷尉平不自
平其好惡而能弼予休畏以承天和者無有也
爾業已適輕適重非終惟終庶幾稱平已益勤
敬忌以期威中之慶欽哉

勅曰士當屈首奉書必有龜勉同心之婦克襄
大業及至顯休而笄珈弗逮此朝廷所深卹也

寧澹齋全集

制草

卷之三

八五

從貴有章寧以存劬異乎爾大理寺左寺署右
寺副事左評寺于之大妻張氏秉德坤貞持身
巽順管筐而承饋祀孝敬不違絲枲以佐詩書
儉勤勿替慨光榮其蚤謝遡芳嫵以若存是用
贈爾孺人祗服明綸永輝幽窆

父母

勅曰夫布衣蔬躋之士不求聞達而蔚起淑問
之英式昭弘貸之德其于受王嘉師惟作天牧
何異身親見之也追崇有典所必亟已爾于情

乃大理寺左寺署寺副事左評事之大之父性
含真璞行篤倫常濟弱扶傾每切纓冠之誼拯
災恤患時聞折券之風芳名不越于里閭善慶
特流于胤祚肆嘉平反之績特追佑啓之功茲
贈爾爲文林郎大理寺左寺署右寺副事左評
事渙明綍于楓宸賁寵光于蒿里

勅曰人子念切母劬悲深執噐致足憫已矧其
體鞠育之深仁以宏肺嘉之鮮澤者可無追恤
以慰永思爾王氏乃大理寺左寺署右寺副事

寧澹齋全集

制草

八十六

左評事于之大之母性成靜約天與惠溫操汲
範著于宜家在中無遂和丸功成于啓胤折獄
惟良睠茲明允之升聞實藉柔嘉之懿則是用
贈爾爲孺人鼎茵勿逮于生前風水聊紓于厥
後

中書舍人徐卿伯并妻勅命一道

勅曰朕簡天下方聞之士賜對大廷儲英秘省
入班法從出播絲綸厥惟重矣自非品粹瑤璋
才優斧藻者曷克祗厥敘也爾中書舍人徐卿

伯丰標朗潔器宇淵醇擢雋南官筮官西掖而
能裨躬克慎蒞事惟勤宣達宸音允著處恭之
節練詳朝典載儲獻納之猷恬澹自持凜貞操
于寒玉博通知要發大響于洪鐘茲以歲闋授
爾階徵仕卽錫之勅命夫國家選近臣以充臺
諫多取諸中秘謂聞見足以裕敷陳培養可以
宏建立也爾業已識深守固覘所樹矣益端乃
志遠乃猷以需大受欽哉

勅曰夫士翱翔禁垣夙夜出納非得鴉鳴賢婦
寧澹齋全集入制草

八七

爲之助孰與資儆戒而勵清修也乃譚好甫聞
而芳徽遽杳致足閔已爾中書舍人徐卿伯妻
劉氏稟規廉吏作儷英儒篤孝孀幃甘食貧而
無怨襄勤雪案卽攻苦以若飴敗絮御寒克績
鳳池之節瞻星儆且聿成鷄樹之名悵蘭蕙之
乍摧恍瑟琴之如在是用贈爾爲孺人祇服明
綸用紓幽惻

父母

勅曰士有鵬搏奮跡志竟阨于公車而麟趾呈

祥業乃昌于禁署朝廷課績疏榮宜亟被之已
爾舉人署山東濟南府德州平原縣儒學教諭
徐講乃中書舍人卿伯之父斐文天植孝友性
成失怙幼齡曲養貞慈之志蜚英弱冠蚤魁俊
又之名方溥化于菁莪人歸樂育遽殞身于纒
棘士失儀刑爰以未竟之猷付之善述之彥大
廷置對祇抽鴻烈于芸編秘省酬庸宜邇燕詒
于椿室是用贈爾爲徵仕郎中書舍人服龍章
于禩廟昭豹蔚于斧封

軍澹齋全集

制草

卷八

勅曰母不難鞠子以生而難玉汝

若乃節

矢栢舟而教存机杼卽史冊所稱蔑以尚已褒
封可武後歟爾楊氏乃中書舍人徐卿伯之母
靜貞自性慈儉宜家承尊謹佐餽之儀舉案凜
如賓之度青年歌鵠忍一死以存藐孤縞服茹
荼歷千辛而砥大節緝繡畫荻竟成黼藻之英
秉績曳綦勿替善勞之訓功程薇省慶集萱堂
是用封爾爲太孺人祇承命服之榮尚俟旌門

之典

中書科中書舍人楊去疵并妻勅命一道
勅曰朕惟典重中宸選隆內史匪淹貫通碩之
儒不與焉若乃以承家之令器著華國之上才
者其光茲禁近致足嘉也爾中書科中書舍人
楊去疵乃原任榮祿大夫柱國太子太保吏部
尚書贈少保巍之孫奎璧鴻儒簪纓華胄振詒
謀而績緒履斧藻以視躬爰列鵷班簡從薇省
而爾執玉爲操捧盈是慮服珥形以記事精敏
夙聞對細帙以搗披研窮必晰奉不辱之

寧澹齋全集

制草

八

色蔚爲羽儀在公凜匪懈之誠克

度可謂

無忝爾祖矣茲以奏滿授爾階徵仕郎錫之勅
命爾祖以文武偉畧爲忠孝完人惟是澹泊寧
靜以致此爾業已優游清切籍甚承明庶幾瞻
然不滓以永終譽體國承家胥于是在懋哉

勅曰詩稱尹吉傳美姬姜世顯之家內政修明
而軌儀嫻習其敬助之風疏恩所必逮也爾中
書科中書舍人楊去疵妻杜氏世儒淑聞甲族
芳徽承尊則佩璲爲儀在饋而管筐相祀鷄鳴

做業體齊麟定之英鳳詔襄操績奏羔絲之節
惟茲闡職並勵官箴茲封爾爲孺人祇被六珈
益虔四德

父母

勅曰士有承休襲祉不替藻修而戀戀庭闈未
霑寵祿爰以弓冶之傳付之瑤璋之彥其光啓
之謨胡可泯也爾官生楊爾仕乃中書舍人去
疵之父清白稟訓孝謹承家涉經史以無遺腹
成藝苑樂施予而靡倦跡媿麥舟

愛日之

軍澹齋全集

制草一

純誠竟殞識時之俊傑允稱殉孝

貽忠嘉

爾子之清風追乃父之芳躅茲贈爾爲徵仕郎
中書舍人龍章式煥馬鬣增輝

勅曰夫慈母之下能無驕子其玉汝成者槩可
想見而矧華閨貞閨有持門襄事之烈者匪藉
愍綸曷昭徽慤爾馬氏乃中書舍人楊去疵之
母秀毓禮門德彰敬饁孝隆侍疾雖啓處而不
遑教著軌彛卽跬步而必飭逮下均鳩桑之愛
遺音生鷄木之暉萱露久摧芝函並煥是用贈

爾爲孺人煒茲彤管貢爾黃墟

行人司行人龔世法父勅命

勅曰夫皇華使臣馳驅王事不遑啓居非父教之忠弗及此乃陟岵含悲而褒綸未逮勸于何有朕是以有貶封之命爾生員龔仲穩乃行人司行人世法之父孝友承家肅離敦族蜚英黷校操履不越準繩養育丘園涉趣時深游咏解紛排難誼每切夫纓冠服急甦乳惠允周于推食阮弓旌而未遇澤著遺經陳謨

及寧教

寧澹齋全集

入制草

存易簣爾子賢勞匪懈式遵忠孝

祖勵彌

貞永服儉勤之誠陳情䟽切似穀恩深是用移贈爾爲修職卽行人司行人夫翩躚志咏父母俱懷而來諗尤深于將母也豈錫祉而獨遺之乃歿者龍章先被而存者象服是宜亦旣無忝所生矣爾服茲休命宜何如式靈以光朕之訓

辭

行人司行人程註父勅命

勅曰朕惟行人竭勤王事爲國勞臣而定省旣

曠于庭闈封爵復限于成格是以特允陳情之
請俾父荷褒綸母先冠服凡以慰翩離之慕酌
式穀之功恩至渥也爾生員程學昇乃行人司
行人註之父儒宗世喬爵序名才孝篤終身敬
事不衰于繼母誼深同氣慈和特著于撫孤茹
古涵今下筆有驚人之句問竒授業及門多華
國之英述古訓以礪頽風陳太丘之芳規具在
督庭聞以興哲嗣韋長孺之遺範猶存乃子方
馳驟乎王程而爾遽修文于地下

呈華之

宜澹齋全集

制草

駿譽宜推紫綉之鴻恩是用馳贈

修職卽

行人司行人爾其服此寵命永式厥靈將子有
匪懈之誠國亦有無疆之澤渙膺全典以榮所
生在爾慎圖之矣

